



陳后山詩集

八冊



陳后山先生詩引

公字無已諱師道后山之號也

居布衣時日艱正聲慕古博

綜不考為進取計世未廣知

業曾子固之門甚奇之元豐間

神宗敕曾典史牒事曾謫編史
位重薦為屬朝廷以白衣難
之乃復請而以憂去年以張惇
為樞密多之異未得而薦用終
不一注元祐初藉子瞻在翰林
結侍從列薦之任教授之病
未成除太學博士子瞻尋以被
懇徇海南懇者以不與種契並
移赴澤今又未幾以母病去終
口不言仕事人不化其貧居僧

舍四壁為可圖者與揚子雲作太
玄同志自稱以詩文名後世也山
谷翁嘗評之指文如禹之治水後
至東源左注作詩得老杜之句法
不得杜之聲調稱其子實道之
初已不及也公歿時年方四十有
九天下士夫競收遺稿此本得
焦太史所藏詩止此者有詩
話叢錄另梓為集云

潘是仁錢



陳后山詩集目錄

第一卷

五言古詩

寄答王直方

規禪停雲齋

次韻答晁無斁

次韻晁無斁夏雨

寒夜有懷晁無斁

魏衍見過

晚望

和黄預感秋

和魏衍元夜

咸平讀書堂

和寇十一

謝孫奉職惠胡德墨

與魏衍寇國寶

禮武臺坐化僧

和魏衍三日

和黃生春盡遊南山

陳留市隱者

送法寶禪師

贈趙奉議

和鄭戶部

寄黃充

妾薄命

送外舅郭大夫

送內

別三子

城南寓居

憶少子

示三子

送蘇公知杭州

田家

幼嶺

觀堯文忠公

次韻蘇公

次韻蘇公涉穎

再次韻蘇公

次韻蘇公勸酒與詩

次韻蘇公

寄參寥

第二卷

七言古詩

謝趙使君送烏薪

謝寇十二惠端硯

答黃生

五子相送至湖陵

寄滕縣李奉議

和饒節詠周昉畫

題明發高軒過圖

贈二蘇公

嗚呼行

送杜侍御純

出清口

猴馬

送黃生兼寄二謝

次韻蘇公西湖徙魚

和魏衍三日

和魏衍聞鷺

答黃生

晁無咎畫山水扇

九月九日夜雨

九月九日

寄晁載之兄弟

別圓澄禪師

舟中

古墨行

第三卷

五言律詩

蠅虎

寄鄧州杜侍御

登鵲山

寄潭州張芸叟

除棣學

除官

早春

和仲良春晚即事

夏日即事

次韻夏日江村

秋懷

秋懷示黃預

和王子安至日

除夜

除夜對酒贈少章

元日

寄無斁

暑雨

夜雨

和寇十一

和寇十一雨後

次韻夜雨

雪中寄魏衍

雪

次韻無斁雪後

雪後黃樓

元日雪

雪意

十五夜月

放懷

別負山居士

寄答李方叔

老栢二首

歸鴈

寄外舅郭大夫

懷遠

別寶講主

南豐先生挽詞

丞相溫公挽詞

第四卷

七言律詩

和寇十一

立春

寄晁無斁春懷

次韻晁無斁

春懷示鄰曲

和黃預七夕

次韻李節推

九日寄秦

次韻何子溫祈雨

和和叟梅花

連日大雪以疾作

雪後

送蘇迨

寄送定州蘇尚書

山東謁外

送王元均貶衡州

黃和預病起

過元家履信宅

寄劉蘇州

清明登之何望洛陽

陳后山詩集

宋陳師道

履常甫著

明潘是仁

訥叔甫輯校

五言古詩

寄答王直方

人情校往復屢勉終不近新詩已經年知子不我
怨生世餘幾何尺筆日取寸懷祿有遐心從俗無
遠韻時從府中歸數過林下飯平生功名意回作
香火願三年不舉觴吻頻烟火炊豈無兩蒼龍露

我一雨潤官龕詩未工猛乞無小靳人生如此耳
文字已其閨是身雖臭腐寧作青紫植永懷忘年
友歿矣餘令聞念子頗似之老我何所恨

規禪停雲齋

淨居衆天人官殿隨所適少仕老不歸重門閉榛
棘道人秀叢林妙語出禪寂是身如浮雲隨處同
建立平生與二子嗜好用一律我此復助緣語綺
已多責何年一把茅據坐孤峯嶺呵佛罵祖師塗
糊千五百

次韻答晁無斁

女生願有家名妾以不聘田里亦慕君又惡不由
正欲行不問塗已破寧顧甑耕蠶無一廛庖并要
三徑還家憂患餘挽鬚兒女兢十年寧有此一寒
可無命平生晁夫子得士公室慶稍無車馬音復
作賓客請論文到韓李念舊說蘇鄭長年斷消息
獨語誰和應此生恩未報他日目不瞑歸卧無好
懷扣門有佳聽詩來霜雪後更覺天宇淨少好老
未工持刃授子柄

次韻晁無斁夏雨

咫尺隔山海作書問如何蟻垤旣畜糧蛙窟如鳴
鼃積暑復一雨斧斫仍手摩鈎窻欲懸麻出門已
橫河人言月離畢未必致滂沱東臯繁草木蘭艾
不同科驚魚畏密罟獨鳥鳴南柯稍無蟲飛喧復
覺蟬語多因聲作好惡與物殊未和卧聞夜來雨
歸種故山禾百年須下澤萬里付長羅先生斷百
好尚以詩作魔縮子萬言手聽渠七字哦室邇人
則遠燕默勞者歌思君得老瘦觸熱生積痾

寒夜有懷晁無斁

同好共城郭十日不一顧人事雖好乖吾生亦多
忤闔門對妻子歲月不可度閉目寧用遮停杯仍
下筯獨無區中緣永懷岩下趣平生三徑資安得
一朝具萬里初歷塊前驅告曛暮歸懷屬有思棄
世不待怒老境厭透遲人情費將護向來張長公
吾亦從茲去燈花頻作喜月色正可步預恐何水
曹明朝有新句

魏衍見過

暑雨不作涼爽風祇自高我老亦衰疾奈此正鬱
陶魏侯有新語高處近風騷隱几聆五字未覺歷
日勞洒然墮氷井起粟豎寒毛三山已在目萬象
誰能逃歷險見絕足過口味豚膏願爲夏雷鳴莫
作饑鳶號

晚望

黑雲映黃槐更着白鳥度蟬鳴不餘力蛙腹能許
怒稱目有佳思側徑無好步興來成獨往意得誰
與賦

和黃預感秋

宿雲護朝霜秋陽佐殘暑蠅癡驅復來汗下拭莫
禦庭梧自黃隕風過成夜語幸是可鄰生胡然遽
如許黃生多新詩如盆蠶抽緒唱高難款乃雋永
得呔咀意合無古今投暗有迎拒名成弟子韓價
重先生褚向來得斯人孰謂予齟齬晚炊鄰僧米
晝拾狙公茅甘酸皆適口霜黃未登俎門有曲逆
車謗甚北山女寧爲溝中斷不作太倉鼠老退無
好懷續明然兩炬搔首不成眠寒蟲促機杼

和魏衍元夜同登黃樓

車馬競清夜人物秀三楚登臨得免俗茲樓豈時
睹同來兩稚子冠者亦四五落落俱可人頗亦厭
歌鼓山月出未高潛鱗動寒渚檣燈接稀星奪目
粲不數魏侯轉物手百好趨就敘得句未肯吐秀
氣出眉宇水淨納行影山空答脩語夜氣稍侵肌
鳥駭去其侶清游豈有極喜事戒多取投靜未免
喧于今豈非古永懷寂寞人南北忘在所橫嶺限
魚鳥作書欲誰與情生文自哀意動足復佇憑檻

共一默望舒已侵午

咸平讀書堂

昔人三百篇善世已有餘後生守章句不足供囁
嚅一登吏部選筆硯隨掃除閉閣畫眉嫵隔屋聞
歌呼奉公用漢律寧復要詩書俛首出跨下在此
七尺軀今代陶朱公不作大梁屠計然特未用意
得輕全吳爲邦得畿縣政密自計疎寧書下下考
不奉急急符用意簿領外築室課典謨平生五千
卷還舍不問塗近事更漢唐稍以詩自娛復作無

事飲醉卧擁青奴桃李春事繁軒窗晝景舒鳴屋
鳩渴雨窺簾燕哺雛休吏散篇帙風篁獻笙竽聽
然一啟齒斯民免爲魚

和寇十一同登寺山

度暑無好懷憑危略幽致衣冠蔚如林從我才一
二茲山昔深登歲月誰得記尚有名勝流不與金
石悴孰知千載後我與子復至煙昏倏見燈洪登
疑無地領略章句手割劇英雄志興壞容一瞬今
昔當幾喟圍山缺西北放目不可制歸懷納清境
夜榻成良寐零落壁間詩豈特彼所愧會逢南過
適不問西來意

謝孫奉職惠胡德墨

奚李風流盡法傳外諸孫常山陳贍子懷抱自高
擗孰云勝潘翁惟眉山公言四海未盡識一變歸
九原胡郎少年子外家典刑存一點落髭漆重價
壓璵璠孫侯磊落人情義久益惇解囊贈玄圭熟
知師白猿我資不解書下筆輒自暖良寶不受辱
隱默面稱寃

與魏衍寇國寶田從先二姪分韻得坐字
將老蒙誤恩受弔不受賀欲起尚遲回積閑習成
墮向來二三子相與守寒餓一日不可無三歲安
得過是時秋益高夜永月初破漏鼓已再更坐者
餘幾箇酒薄多可強談勝堅莫挫詹昏讀字細林
缺占星大吳吟未至慢楚語不假些懷遠已屢歎
論昔先急唾身世喜相違真成蠟旋磨平生陳孟
公歲晚不驚坐

禮武臺坐化僧

至人本無心起滅因衆緣化盡悲願在留形此臺
巔聞名與致敬獲福皆無前千年一鉢水宿疾幾
人痊驍雄兗州軍馬步餘數千一呼可摧山四合
如垂天老幼十八村頃刻理無全哀鳴寄香火毀
塔投其塼盛怒忽驚奔如有所見然等觀同一子
豈特此所憐我來已再見童稚亦虔虔發火觸暗
室青燈已娟妍始讀壁間碑妙力隱不傳頗恨語
未工安得筆如椽歸路雲月黑濤波隔長川溪翁
停身待相喚聲相連解纜風泊岸中流水入船欵

側脚不停竟脫蛟魚次興壞如有待適當使君賢
定能選妙士拂塵起熏煙昔承靈山囑早契少林
禪丐我一片石併刻維摩篇

和魏衍三日

林花女頰紅春水瓜頭綠步蹇我三休來周君一
足苦嗟所歷小不盡千里目莫景向昏鴉歸途取
脩竹

和黃生春盡遊南山

逐勝缺勇功餞春無少色出門欲何向坂丸隨所

擊百年餘幾何十步復一息同來二三子楚楚頗
脩飾行前強老夫徑捷疲峻陟山門開烟霏禪房
閑岑寂口燥沾茗椀久厄此爲德逐日下西山草
露荒于識回溪轉鈎曲門徑入繩直故人喜領客
內愧積腸臆所來爲親舊掃除稱寥閨疾風無末
勢過雨有餘瀝高花初欲然平荷已如拭因君感
衰盛醜好移頃刻交新厭區區話舊聽歷歷談間
十一二四座已傾側茅屋漏風霜山田帶沙礫尚
能哀此老舉手觸四塞君如澗底松超拔出天壁

學詩有新功黃魏共推激

陳留市隱者

陳留人物後疑有隱屠耕斯人豈其徒滿腹一杯羹
亭亭小家子與翁同醉醒薄暮行且歌問之諱
姓名子豈達者歟槁竹聊一鳴老生何所因稍稍
聲過情閉門十日雨吟作饑鳶聲詩書工發家刀
籥得養生飛走不同穴孔突不暇黔

送法寶禪師

平生夫鐵脚道價喧宇宙望禮東南雲吾今獨何

後晚始識其子瑤林一枝秀初聞飲允笑復作空
生瘦今年退後禪袖手不肯又真成菩薩魔未免
化城咎白月玄清允大鍾得辭扣知止一何勇隨
緣豈無復豐臺兩禪子三請期一覲翩然挈瓶盂
百里往相就古寺風雨餘觸目初邂逅夙昔有淨
緣歡然宛如舊教我早自異業成誰得救世故已
備嘗躊躇復何候鑽火勿停手時來自渠透殷勤
禮白足吾爲太山溜

贈趙奉議

爲惠不必廣但問與者誰受施何用多名義以爲
資平生師友間四海參寥師一窮無四壁百代有
千詩再逐越淮江三年魯中歸初無贊公色不異
淨名衣才如得風鷁已復觸藩羝路貧誰肯憐語
妙君所知我往立談間歛若白受緇乃知仁者聽
不待辛苦詞趙侯名教士勁氣噴長霓論吐天下
公而合吾所私明窻弄文墨妍語含英姿要與識
者論且避羣兒癡舊好無新功終年此交綏未須
堅百戰當卽建降旗

和鄭戶部寶集文室

遠遊遊則遠安心心已安茅茨更何事一坐五年
寬客來問法要示以無所還勿云空生默聽者不
勝言

寄黃充

俗子推不去可人費招呼世事每如此我生亦何
娛黃生後來秀純茂靜者徒不見動經月來亦不
須更人事已好垂可復自作疎子雖向人懶勝處
不可孤迨此田事休仍當秋雨餘深知阻泥濘步

展意何如

妾薄命

主家十二樓一身當三千古來妾薄命事主不盡
年起舞爲主壽相送南陽阡忍着主衣裳爲人作
春妍有聲當徹天有淚當徹泉死者恐無知妾身
長自憐

送外舅郭大夫槩西川提刑

丈人東南來復作西南去連年萬里別更覺貧賤
苦王事有期程親年當喜懼畏與妻子別已復迫

曛暮何者最可憐兒生未知父盜賊非人情蠻夷
正狼顧功名何用多莫作分外慮萬里早歸來九
折慎馳騫嫁女不離家生男已當戶曲逆老不侯
知人公豈誤

送內

塵麈顧其子燕雀各有隨與子爲夫婦五年三別
離兒女豈不懷母老妹已笄父子各從母可喜亦
可悲關河萬里道子去何當歸三歲不可道白首
以爲期百畝未爲多數口可無饑吞聲不敢盡欲

怨當歸誰

別三子

夫婦歿同穴父子貧賤離天下寧有此昔聞今見
之母前三子後熟視不得追嗟乎胡不仁使我至
於斯有女初束髮已知生離悲枕我不肯起畏我
從此辭大兒學語言拜揖未勝衣喚爺我欲去此
語那可思小兒襁褓間抱負有母慈汝哭猶在耳
我懷人得知

城南寓居

游子莫何歸韋杜城南村秋水深可測挽衣踏行
雲道暗失歸處棲鳥故不喧牛羊閉籬落稚子猶
在門

憶少子

端也早豐下歲晚未可量我老不自食安得如我
長呱呱棄不子退省未始忘吾母亦念我與爾寧
相望

示三子

去遠卽相忘歸近不可忍兒女已在眼眉目略不

省喜極不得語淚盡方一晒了知不是夢忽忽心
未穩

送蘇公知杭州

平生羊荊州追送不作遠豈不畏簡書放麕誠不
忍一代不數人百年能幾見昔爲馬口銜今爲禁
門鍵一雨五月涼中宵大江滿風帆目力短江空
歲年晚

田家

雞鳴人當行犬鳴人當歸秋來公事急出處不待

時昨夜二尺雨竈下已生泥人言田家樂爾苦人
得知

幼嶺

外家英俊場季氏不好弄用意丘壑間頗以石自
奉誰言拳握間意作萬牛重岱宗小天下不辦一
席用

觀充文忠公家六一堂圖書

生世何用早我已後此翁頗識門下士略已聞其
風中年見二子已復歲一終呼我過其廬所得非

所蒙先朝羣玉殿冠佩環羣公神文煥王度喜色
見天容御榻誰復登帝書元自工黃絹兩大字一
覽涕無從似欲託其子天意人與同歷數况有歸
敢有貪天功集古一千句明明並羣雄誰爲第一
手未有百世公廟器刻科斗寶樽播華蟲緬懷弁
服士酬獻鳴璫瑤插架一萬軸遺子以固窮素琴
久絕絃棊酒頗闕供向來一瓣香敬爲曾南豐世
雖嫡孫行名在惡子中斯人日已遠千歲幸一逢
吾老不可待草露濕寒螿

次韻蘇公西湖觀月聽琴

清湖納明月遠覽無留雲人生亦何須有酒與桐
君自醉寧問客一盃復一盃平生今不飲意得同
酣醺清言冰玉質壞衲山水紋殫精有後悟畜耳
無前聞潛魚避流光歸鳥投重昏信有千丈清不
如一尺渾

次韻蘇公涉穎

衝風不成寒脫木還自奇坐看白日晚起行清穎
湄三穴未爲得一身不作癡路暗鳥遺音江清魚

弄姿宇定怪物變意行覺舟遲公與兩公子妙語
含風漪但怪笑談劇莫知賓主誰得句未肯吐鬱
鬱見曉眉相從能幾何行樂當及茲生忍自作難
百憂間一嬉時尋未老不探黃口兒解公頭上
巾一洗七年緇至潔而納汚此水真吾師須公曉
二子人自窮非詩

再次韻蘇公示兩歐陽

公詩周魯後曳曳垂天雲府中顧長康風味如麴
君非公無此客請壽兩山樽叔季大儒後偏醒亦
同醺心與白石堅章成綺繡文多難獨不補少戇
今無聞時無古今異智有功名昏可使百尺底不
作數斗渾

次韻蘇公勸酒與詩

五士三不同煩公以詩訴強酒古所辭妙語神其
吐自念每累人舉扇無我汚復使兩歐陽縮手不
分付平生西方社努力須自度不憂龜九頭肯爲
語一誤頓悟而漸修從此辭世故公看萬金產寧
能一朝具兩生文章家夙紀鳴蟬賦請公堅城壘

兵來後無數

次韻蘇公題歐陽叔弼息齋

行者悲故里居者愛吾廬生須着錐地何賴汗牛
書丈室八尺牀稱子閉門居百爲會有還一足不
願餘紛紛老幼間失得了懸虛客在醉則眠聽我
莫問渠論勝已絕倒句妙方愁予竹几無留塵霜
畦有餘蔬相從十五年不爲食有餘時須一俛仰
君可待遽蔭

寄參寥

平生西方願擺落區中緣惟於世外人相從可忘
年道人贊公徒相識幾生前早作步兵語晚參雲
門禪拾策孤山下一室頗蕭然林昏出幽磬竹杪
橫疎園昨日寄書至坐想參寥泉此泉如此公遇
物作清妍一別今幾時綠首成白顛子亦憐我老
我豈要子憐會逢萬里風一繫五湖船酌我巖下
水咽子山中篇

不即于山中爲

好登樓于朝會

勝對歡欣一賦今

對海園并日管書

平世西人

平世西人

平世西人

陳后山詩集

宋陳師道

履常甫著

明潘是仁

訥叔甫輯校

七言古詩

謝趙使君送烏薪

欲落未落雪迫人將盡不盡冬壓春風枝冰瓦有

去鳥遠坊窮巷無來人忽聞叩門聲遽速驚雞透

籬犬升屋使君傳教賜薪炭妓圍那解思寒谷老

身曲直不足言冷窻凍壁作春温定知和氣家家

到不獨先生雪塞門

謝寇十一惠端硯

百工營材先利器市道居貨如作贅書生活計亦
酸寒斷塲半瓦寧求備端溪四山下龍淵鬱積中
州清淑氣金聲玉骨石爲容河江屈流雲作使滑
如女膚色馬肝夜半神光際天地諸天散花百神
喜知有聖人當出世没人投深索千丈探領適遭
龍伯睡轆轤挽出萬人負千歲之藏一朝致琢爲
時樣供翰墨十襲包藏百金貴北行萬里更衆目

寇卿好事不計費南隣居士卿之孫豐悴相從不
爲異似憐陶瓦磨竈煤輟贈不減前人志人言寒
士莫作事鬼奪客偷天破碎龜玉韞匱與無同錦
衾還客棄佳惠衆所欲得當有緣天獨於予可無
意敢書細字注魚蟲要傳華嚴八千偈

答黃生

我無置錐君立壁春黍作糜甘勝蜜綈袍不受故
人意樂餌肯爲兒輩屈割白鷺股何足難食鷓鴣
肉未爲失暮年五斗得千里有愧寒簷背朝日

五子相送至湖陵

中年患別多作別早日諱窮常得窮勿云一水四
十里衣冠塞郭何人同周生子病輟身出劉子遠
來今幾日石家仲叔好少年頗能厭俗從吾律魏
君不獨相從早自君之來吾却掃歲月磨人孰能
久反覆看渠難得好湖陵古城風日寒情義乃知
生別難高懷已爲故人盡交道應留後代看

寄滕縣李奉議

滕大夫伯陽父孫烹小鮮治大國原一得何用五

千言弛災決獄人不寃盛氣走訟畏討論終歲歛
吏不到門子弟無賴皆西奔踵門父老如雲屯拊
髀跳跟走兒孫絳幡翠節歌唄喧畫盆戴頂烟如
焚繡標綵軸箱帕繁曲躬叉手前致言畜眼未見
耳不聞暮年何以答此恩請誦華嚴壽我君

和饒節詠周昉畫李白真

君不見浣花老翁醉騎驢熊兒捉轡驥子扶金華
仙伯哦七字好事不復千金模青蓮居士亦其五
斗酒百篇天所借英姿秀骨尚可似逸氣高懷那

得畫周郎韻勝筆有神解衣槃礴未必真一朝寫
此英妙質似悔只識如花人醉色欲盡玉色起分
明尚帶金井水烏紗白紵真天人不用更著山巖
裏平生潦倒飽丘園禁省不識將軍尊袖手猶懷
脫靴氣豈是從來骨相屯仰視雲空鴻鵠舉眼前
紛紛那得顧是非榮辱不到處正恐朝來有新句
勿言身後不要名尚得吳侯費百金江西勝士與
長吟後來不憂身陸沉

題明發高軒過圖

滕王蛺蝶江都馬一紙千金不當價異乎天縱非
力能畫工不是甘爲下今代風流數大年含毫落
筆開山川忽忘朽老壓塵底却怪鳧鴻墮目前爾
來八二復秀出萬里河山才咫尺眼前安得有突
兀復似天地初開闢明窻寫出高軒過便逐愈湜
聞吟哦晚知書畫真有益却悔歲月來無多官禁
修嚴斷過訪時於僻寺逢稅鞅秀潤如行琮壁間
清明似引星辰上憂悲愉快百不平河擘太華東
南傾平生秀句寰區滿掇拾餘棄成丹青平湖遠

嶺開精神斗覺文字生清新未許二豪今角立要
知旁有衛夫人

贈二蘇公

岷峨之山中巴江桂椒枿檣楓柞樟青金黃玉丹
砂良獸皮鳥羽不足當異人間出駭四方嚴王陳
李司馬楊一翁二季對相望奇寶橫道驥服箱誰
其識者有歐陽太科異等固其常小却盛之白玉
堂典謨雅頌用所長度越周漢登虞唐千載之下
有素王平陳鄭毛視荒荒後生不作諸老亡文體

變化未可量萬口一律如吃羌妖狐幻人大陸梁
虎豹却走逢牛羊上帝惠顧被不祥天門夜下龍
虎章前驅吳回後炎皇絳旂丹轂朱冠裳從以甲
冑萬鬼行乘風縱燎無留藏天高地下日月光授
公以柄扶病傷士如稻苗待公秧臨流不度公爲
航如大醫王治膏盲外證已解中尙強探囊一試
黃昏湯一洗十年新學腸老生塞口不敢嘗向來
狂殺今尙狂請公別試囊中方

嗚呼行

去年米賤家賜粟百萬官倉不餘拘青錢隨賜費
追呼昔日剗創今補肉今年夏旱秋水生江淮轉
粟千里行不應遠水救近渴空倉四壁雀不鳴似
聞爲政不爲費雨不相傷兩相濟十年斂積用一
朝驚濤破山風動地

送杜侍御純陝西轉運

餽糧千里古無策木牛流馬功不極邊頭數米換
黃金將軍汗馬未伏櫪黠羌人面作胡語鳥鼠貪
生爾如許熊虎可避蟲可駢覆巢熏穴意何如漢

虜相當庸可盡聊城正用一封書巧手莫爲無麵
餅誰能留渴須遠井國家有急君得辭徐人不勞
扣關請隴上壯士莫捫舌河西狂王防係頸向來
此地幾送迎草間翁仲口不瘖十年兩熟飽可待
一歲四守人何心老稚持車車下留歸人不行行
轉頭關中正須蕭丞相省內早要富民侯

出清口

家世山東飽耕稼晚託一舟順流下漁溝寒餅不
下筋推拖轉頭更五夜平明放溜出清口霜落潮

回霧連野平淮一夢三十里有日無風神所借似
憐憂患滿人間百孔千瘡容一罅文章末技將自
効語不驚人神可嚇子女玉帛君所餘寄聲白鳥
煩多謝

猴

沐猴自戲馬自驚圍人未解猴馬情猴其天資馬
何罪意欲防患猶傷生異類相宜亦相失同類相
傷非所及志行萬里困一誤吐豆齧甘伏櫪

送黃生兼寄二謝

二首

南第諸兄早相見別時託子以無倦百年論交見
子知一朝取別寧吾願妙歲遠遊真所難肯爲得
官近長安聖作詩書端有意猶須用心科舉外

其二

城西兩謝俱能文穰丞精悍吾所聞每讀吾詩得
人意使不能文已可人我昔謝公門下士早年妄
作功名意如今老寄穎河東九泉雖深愧此公

次韻蘇公西湖徙魚

三首

窮秋積雨不破塊霜落西湖露沙背大魚泥蟠小

魚樂高丘覆杯水如帶魚窮不作搖尾憐公寧忍
口不忍鱸修鱗失水玉參差晚日搖光金破碎咫
尺波濤有生死安知平陸無灘瀨此身寧供刃几
用着意更須風雨外是間相忘不爲小濠上之意
誰得會枯魚雖泣悔可及莫待西江與東海

其二

赤手取魚如拾塊布網鳴舷攻腹背豈知激濁與
清流恐懼駢頭牽翠帶居士仁心到魚鳥會有微
生化餘鱸寧容網目漏吞舟誰能享鮮作苛碎我
亦江湖釣竿手悞逐輕車從下瀨生當得意落鷗
邊何用封侯墮鳶外不如此意今得所置身暗與
神明會徑須作記戒鯨鯢防有任公釣東海

其三

詩成落筆驥歷塊不用安西題紙背小家厚斂四
壁立拆東補西裳作帶堂下轂鯨牛何罪太山之
陽人作鱸同生異趣有如此餅懸甕間終一碎流
水長者今公是雨花散亂投金瀨人言充庖須此
輩慈觀更須容度外賜墻及肩人得視公才粲粲

一都會有憐其窮與不朽我亦牽聯書玉海

和魏衍三日

堤沙泥盡未及塵江波不動風生汶虎頭魚尾不
知數朱旗一點來奔雲春容已老有餘態拔稜雖
古無前聞踏青摸石修祕祝落日帶雨催行人聽
詩對月雨不厭頗覺過日徒紛紛君不見天寶杜
陵翁屈宋才堪作近鄰

和魏衍聞鶯

春力着人朝睡重葉底黃鸝鳴自送綠幕朱欄日

觀明回廊側戶風簾動昨夜春回到寒谷好鳥飛
來把修竹整翰厲觜初一鳴已落君詩專妙獨退
紅着綠春事殘後時獨立知何言側聽不盡已飛
去懷抱此時誰與論

答黃生

水泥斷道雪塞門遠坊累日無行人臥聞喧呼誰
叫闌稚子往問鹿駭奔黃生學詩用力新急手疾
口如翻盆衝風踏凍送七言要令寒屋春回溫是
時積陰又黃昏叫闌索火驚四鄰邇來結字穩且

白豈不見我參寥君嗟吾老矣心高存後來得子
空馬羣徑須赤手縛麒麟四大海水一口吞丈夫
意氣抗浮雲道逢其人兩手分妬婦拊膺王右軍
晁無咎畫山水扇
前生阮始平今代王摩詰偃屈蓋代氣萬里入方
老詩作妙險絕天與力君不見杜陵老翁語
湘娥增悲真宰泣

九月九日夜雨留智叔

騎臺九日登臨處只有歸人醉扶路千年二謝孰

可代我每苦留君只去花粗只爲前人惜曲誤不
解丞卿怒只消著帽受西風不待風流到新句

九月九日與智叔鵬堂宴集夜歸

鵬堂從昔有惡客酒盡不去仍復索欲畱歌舞盡
客意風雨和更作三厄佳辰難得客更難我窮無
酒爲君歡只欲泥行過白下萬一簾疎見一斑

寄晁載之兄弟

人言婚宦情欲本我始求脫我已半孰知一世如
一夢在夢而覺寧待旦寒簷凍雨作秋聲冷屋風

燈挑不明樽前已作十年語後會未期吾屢驚一
聞七字心已識鈞章棘句天與力念子方壯我已
衰不見參天二千尺季也亦有詩百篇叔子擬度
驂騮前端能過我三冬學可復參儂一味禪

別圓澄禪師

法施老人卧不出呼我取別行問疾磨盤拭筋勸
一飽少待須臾莫倉卒早年着眼覷文字萬卷初
無一言契多生綺語未經懺半世虛名足爲累此
去他來尙有緣頭童齒豁恐無年慙勤三請冬往

世弊惡可念未可捐平生准擬西行計老着人間
此何意他年佛會見頭陀知是當年老居士

丹中

野火燒原雉昏雒黃塵漲天牛亂鬪江間無日不
風波老去何時脫奔走詩書滿腹不及口遮日寧
須釣竿手愧爾茅簷炙背人仰目青天搔白首

古墨行

秦郎百好俱第一烏丸如漆姿如石巧作松身與
鏡面借美於外非良質潘翁拜跪摩老眼一生再

見三歎息了知至鑒無遁形王家舊物秦家得君
今所有亦其亞伯仲小低猶子姪黃金白璧孰不
有古錦句囊聊可敵睿思殿裏春夜半燈火闌殘
歌舞散自書細字答邊臣萬里風塵入長筭初聞
橋山送弓劍寧知玉盃人間見夜光炎炎衝斗牛
會有太史占星變人生尤物不必有時一過目驚
老醜念子何忍遽磨研少待須臾圖不朽明窻淨
几風日暖有愁萬斛才入斗徑須脫帽管城公小
試玉堂揮翰手

蠅虎

物微趣下世不數隨力捕生得稱虎匿形注目搖
兩股卒然一擊勢莫禦十中失一八九取吻間流
血腹如鼓却行奮臂吾甚武明日淮南作端午

寄鄧州杜侍郎

南陽老幼如雲屯連日城東候使君後者排前旁
捷出爭先見見面作慙慙六年重來已白髮一日再
見回青春道傍過者怪相問共言杜母真吾親使
君雖老心尚壯文采風流諸謝上名家從昔杜陵

人盛德于今文人行我昔卧病老彭城畫船鳴鼓
千里行致書饋奠初未識丁寧勞苦如平生人言
此事今未有古人中求還得否忘年屈勢不虛辱
公取爲德吾何取菊潭之水甘且潔潭上秋花照
山白請公酌此壽百年奕奕長爲此邦伯孰先一
州後四方重金疊蓋登廟堂請從今日至雲來月
三十斛輸洛陽

陳后山詩集

宋陳師道

履常甫 著

明潘是仁

訥叔甫輯校

五言律

登鵲山

小試登山脚今年不用扶微微交濟灤歷歷數青
徐朴俗猶虞力安流尚禹謨終年聊一快吾病失
醫盧

寄潭州張芸叟

湖嶺一都會西南更上游秋盤堆鴨脚春味薦猫
頭宣室思來暮蒸池得借留熟知爲郡樂莫作越
鄉憂

除棣學

老作諸侯客貧爲一飽謀拆腰真耐辱捧檄敢輕
投早作千年調中懷萬斛愁莫年隨手盡心事計
盟鷗

除官

扶老趨嚴召徐行及聖時端能幾字正敢恨十年

遲肯著金根誤寧辭乳媪譏向來憂畏斷不盡鹿
門期

早春

度臘不成雪迎年遽得春冰開還舊綠魚喜躍修
鱗柳及年年發愁隨日日新老懷吾自異不是故
違人

和仲良春晚卽事

貧難聘歡伯病敢跨連錢夢豈花邊到春俄雨裏
遷一犁關五秉百箔候三眠只有書生拙窮年墜

紙田

夏日卽事

花祭隨風盡歡娛過眼空窮多詩有債愁極酒無
功家在斜陽下人歸滿月中肝腸渾欲破魂夢更
無窮

次韻夏日江村

漏屋簷生菌臨江樹作門卷簾通燕子織竹護鷄
孫向夕微涼進相逢故意存何當加我歲從子問
乾坤

秋懷

稍稍昏煙集蓼蓼一再更短檠看細字高枕忘平
生來鶴妨身健新陽喚眼鳴已須其酒力不用占
時名

秋懷示黃預

窻鳴風歷耳道壞草侵衣月到千家靜林昏一鳥
歸冥冥塵外趣稍稍眼中稀送老須公等秋碁未
解圍

和王子安至日

晨起公私迫昏歸鳥雀催百年忙裏盡萬事醉間
來西竹深宜晚江梅半欲開風燈挑不焰寒火撥
成灰

除夜

七十已強半所餘能幾何懸知暮景促更覺後生
多遁世名爲累留年睡作魔西歸端著便老子不
婆娑

除夜對酒贈少章

歲晚身何托燈前客未空半生憂患裏一夢有無

中髮短愁催白顏衰酒惜紅
歌君起舞潦倒畧
相同

元日

老境難爲節寒稍未得春一
兼利害百慮孰踈
親積雪無歸路扶行有醉人望鄉仍受歲回首向
松筠

寄無斁

敬問鼂夫子宮池幾許深已應飛鳥下復作卧龍
吟待我中病愈同君把臂臨泥途無去馬夏木有

來禽

暑雨

密雨吹不斷貧居常閉門東溟容有限西極更能
存束濕炊懸釜翻床補壞垣倒身無着處呵手不
成温

夜雨

十月天猶雨三更月失明溟濛纔灑潤點滴不成
聲闌戶風煙入投林鳥雀輕旅懷終易感倏起別
離情

和寇十一同游城南阻雨還登寺山

雨阻游南步泥留出北情稍看飛霧斷復作遠山
橫野闌膏新澤樓明納晚晴歸宜有佳思紗帽壓
香英

和寇十一雨後登樓

秀嶺歸雲裏華譙夕照中登臨終一作初不數吟笑

近多同麥秀知春力人和驗歲豐預為消暑約一

快楚臺春一作風

次韻夜雨

暗雨來河急寒房客自醒
驟看燈閃閃擬對竹
青聲到江干失風回葉上聽
更長那得曉歌
儀刑

雪中寄魏衍

薄薄初輕眼輝輝已映空
融泥還結凍落木復沾
叢意在千年表情生一念
中遙知吟榻上不道絮
因風

雪

初雪已覆地晚風仍積威
木鳴端自語鳥起不成

飛寒巷聞驚犬鄰家有夜歸
不無慚敗絮未易泣
牛衣

次韻無斁雪後二首

閉閣春雲薄開門夜雪深
江梅猶故意湖鴈起歸
心草潤留餘澤窻明度積陰
殷勤報春信屋角有
來禽

取信

一作性

無通介隨時有異同
雪餘蓋地白春淺

著梢紅寄食虛長算
論詩缺近功相看不相棄
賴有古人風

雪後黃樓寄梅山居士

林廬煙不起城郭歲將窮
雲日明松雪溪山進晚
風人行圖畫裏鳥度醉吟中
不盡山陰興天留憶
戴公

元日雪

半夜風如許平明雪浩然
簾疎穿細碎竹壓更蟬
娟窳兔走留跡饑鳥鳴乞憐
遙忻炎海上還復得
新年

雪意

睡眼拭朦朧開門雪已濃
客來迷舊徑虎過失新
蹤浦遠渾如鶴林疎只有松
借琴如不解酒興若
爲工

十五夜月

向老逢清節歸懷托素輝
飛螢元失照重露已沾
衣稍稍孤光動沉沉衆籟微
不應明白髮似欲勸
人歸

放懷

施食烏鳶喜持經鳥雀聽
杖藜矜矍鑠顧影恠伶

傳門靜行隨月窻虛卧見星擁衾眠未穩艱阻飽
曾經

別負山居士

田園相與老此別意如何更病何無醉猶寒已自
和高名胡未廣詩句尚能多沙草東山路猶須一
再過

寄答李方叔

平生經世策寄食不資身孰使文章著能辭轍跡
頻帝城分不入書札詞何人子未知吾懶吾寧覺

子貧

老栢

勝果院後有栢見之二十餘年踈瘦如
故子寓其舍數以水灌之遂有生意

庭栢無生意推殘二十秋稍沾杯水潤已與歲寒
謀黃裏青青出愁邊稍稍瘳會看笙鶴下暮雀莫
深投

歲月那能記風霜亦飽經槁乾仍故節潤澤出新
青色與江波共聲留靜夜聽輝輝垂重露點點綴
流螢

歸鴈

弧矢千夫志瀟湘萬里秋寧爲寶箏柱肯作置書
郵遠道勤相喚羈懷誤作愁聊寬梁稻意寧復網
羅憂

寄外舅郭大夫

巴蜀通歸使妻孥且舊居深知報消息不忍問何
如身健何妨遠情親未忍踈功名欺老病淚盡數
行書

懷遠

海外三年謫天南萬里行生前只爲累身後更須

名未有平安報空懷故舊情斯人有如此無復涕
縱橫

別寶講主

此處相逢晚他鄉有勝緣呪功先服猛戒力得扶

顛暫息三支論重參二祖禪元注趙州臨濟皆曹人也夜牀鞋

脚別何日著行纏

南豐先生挽詞

早棄人間事真從地下遊丘原無起日江漢有東
流身世從違裏功名取次休不應須禮樂始作後

程仇
精爽回長夜衣冠出廣庭
勲庸留琬琰形像付丹青
道喪餘篇翰人亡更典刑
侯芭才一足白首太玄經

丞相溫公挽詞

恭默思良弼詩書正百工
事多違謝傅天遽奪楊公
一代風流盡三師禮樂崇
若無天下議惡美併成空

百姓歸周老三年待魯儒
世方隨日化身已要人

扶玉几雖來晚明堂訖受圖
心知愛諸葛終不羨曹蜎

少學真成已中年記著書
輟耕扶日月起廢極吹嘘
得志寧論晚成功不願餘
一爲天下慟不敢愛吾廬

陳后山詩集

東后山詩集

卷三

十

陳后山詩集卷

宋陳師道

履常甫 著

明潘是仁

訥叔甫輯校

七言律

和冠十一晚登白門

一本云庚辰三月晚登白門開望

重門傑觀屹相望表裏山河自一方
小市張燈歸意動輕衫當戶晚風長
孤臣白首逢新政遊子青春見故鄉
富貴本非吾輩事江湖安得便相忘

立春

馬蹄殘雪未成塵、梅子梢頭已著春、巧勝向人真
奈老、衰容從俗不宜新、高門肯送青絲菜、下里誰
思白髮人、共學少年天下士、獨能濡濕轍中鱗、

寄鼃無斃春懷

稍聽春鳥語丁寧、又見官池出斷冰、雪後踏青誰
與共、花邊著語老猶能、笑談莫倦尋常聽、山院終
同一再登、今日已知他日恨、捨榆况是又飛騰、

次韻鼃無斃

城郭朝陽散積陰、郊原注目日青深、年衰鷗鷺今

如是、夢斷邯鄲何處尋、語鵲飛鳥聲悄悄、重簾深
院晚沉沉、不辭杖履衝泥雪、未有瓊琚報好音、

春懷示鄰曲

斷牆着雨蝸成字、老屋無僧燕作家、剗欲出門追
語笑、却嫌歸鬢著塵沙、風翻蛛網開三面、雷動蜂
窠趁兩衙、屢失南鄰春事約、只今容有未開花、

和黃預七

盈盈一水不斯須、經歲相過自作踈、坐待翔禽報
佳會、徑須飛雨洗香車、超騰水部陳篇上、收拾愚

溪作賦餘信有神仙足官府我寧辛苦守殘書
次韻李節推九日登山
平林廣野騎臺荒山寺鳴鐘報夕陽人事自生今
日意寒花只在去年香巾欵更覺霜侵鬢語妙何
妨石作腸落木無邊江不盡此身此日更須忙

九日寄秦

疾風迴雨水明霞沙步叢祠欲暮鴉九日清樽欺
白髮十年爲客負黃花登高懷遠心如在向老逢
辰意有加淮海少年天下士獨能無地落烏紗

次韻何子溫祈雨

九虎當關信不傳燒香纔上巳回天驅除霧雨還
朝日畜縮濤波復二川奪日光華開秀句堆場藁
稻驗豐年從今吏上中和頌少費將軍九萬錢

和和叟梅花

百卉前頭第一芳低臨粉水浸寒光卷簾初認雲
猶凍逆鼻渾疑雪亦香鼎實自斯終有待天真不
假更勻粧江南望斷無來使且伴詩翁入醉鄉
連日大雪以疾作不出聞蘇公與德麟同登

女郎臺

掠地衝風敵萬人，蔽天密雪幾微塵。
漫山塞壑疑無地，投隙穿帷巧致身。
晚積讀書今已老，閉門高卧不緣貧。
遙知更上湖邊寺，一笑潛回萬室春。

雪後

送往開新雪，又晴故留臘。
白待春青，稍回杉色，伸梅怨併得朝看。
與夜聽已覺庭泥生鳥迹，遽修田事帶朝星。
莫年功利歸持律，不是騷人故獨醒。

送蘇迨

胸中歷歷著千年，筆下源源赴百川。
真字飄揚今有種，清談絕倒古無傳。
出塵悟解多爲路，隨世功名小著鞭。
白首相逢恐無日，幾時筆札到林泉。

寄送定州蘇尚書

初聞簡策侍前旒，又見衣冠送作州。
北府時清惟可飲，西山氣爽更宜秋。
功名不朽聊通袖，海道無違具一舟。
枉讀平生三萬卷，貂裘當復出罽毳。

山東謁外

土山宛轉屈蒼龍，不有槃槃蓋世翁。
萬木刺天元

自直叢篁侵道更須東百年富貴今誰見一代公
名託至公少日拊頭期類我暮年垂淚灑西風

送王元均貶衡州兼寄元龍二首

先生英氣蓋區中命與仇謀得老窮又見長身有
家法可辭短簿怒吾公石頭路滑行能速宣室歸
來語未終宛洛風塵莫回顧直須留眼送歸鴻
先生秀句滿江東二子緣渠得再窮詩禮向來堪
發冢孫劉能使不爲公炎方瘴癘避軒豁故國山
河開始終傳語元龍要相識江湖春動有來鴻

黃和預病起

似聞藥病已投機牛鬪蛇妖頓覺非李賀固知當
得疾沈侯可更不勝衣驚逢白壁山千仞會見黃
金帶十圍只信詩書端作祟孰知糠粃亦能肥

過元家履信宅

鷄犬喪家分散後林園失主寂寥時落花不語空
辭樹流水無情自入池風蕩醺船初破漏雨淋歌
閣欲傾欹前庭後院傷心事唯是春風秋月知

寄劉蘓州

去年八月哭微之今年八月哭敦詩何堪老淚交
流日多是秋風搖落時泣罷幾回深自念情來一
倍苦相思同年同病同心事除却蘇州更是誰

清明登老閣望洛陽城贈韓道士

風光煙火清明日歌哭悲歡城市間何事不隨東
洛水誰家又葬北邙山中橋車馬長無已下渡舟
航亦不間塚墓纍纍人擾擾遼東悵望鶴飛還

